



VERKMENNTASKÓLI
AUSTURLANDS
Samvinna - þekking - árangur

Könnun fyrir forsjáraðila

Haustönn 2020

Birgir Jónsson
Gæðastjóri

Mýrargötu 10

740 Fjarðabyggð

Netfang: va@va.is

Heimasíða: www.va.is

Sími 477 1620

Fax: 477 1852



Efnisyfirlit

Efnisyfirlit.....	0
Könnun fyrir forsjáraðila haustönn 2020	1
Niðurstöður könnunar.....	1
Af hverju valdir þú VA?.....	1
Heimasíða og fundir	1
Foreldraráð.....	2
Upplýsingaflæði.....	2
Samskipti við kennara	3
Heimanám og umsagnir	4
Líðan og gengi í náminu.....	5
Nýting þjónustu	6
Verkmenntaskóli Austurlands stendur sig vel í að mennta nemendur.....	6
Annað	7

Könnun fyrir forsjáaraðila haustönn 2020

Könnunin var lögð fyrir þann 4. desember 2020 og var fyrirlagningu lokið 17. desember 2020.

Könnunin samanstóð af 20 spurningum, 14 valkostaspurningum og 6 opnum.

Spurningalistinn var sendur á forsjáaraðila nemenda undir 18 ára aldri í gegnum INNU og bárust 59 svör en könnunin var send á alls 143 netföng. Niðurstöðurnar ber að skoða í ljósi þess að um fremur lágt hlutfall er að ræða.

Niðurstöður könnunar

Hér er gerð grein fyrir niðurstöðum könnunarinnar.

Af hverju valdir þú VA?

Fyrsta spurningar könnunarinnar var opin spurning og spurt var hvers vegna VA varð fyrir valinu hjá nemandanum. Flest svörin voru á þá leið að ná væri nálægt heimili en einnig komu svör sem sneru að orðspori skólans og að nemandinn hafi viljað fara í verknám.

Heimasíða og fundir

Mynd 1 sýnir að langflestir svarendur hafa heimsótt heimasíðu skólans eða alls 56 af 59 svarendum eða 95%.



Mynd 1. Hefur þú heimsótt heimasíðu skólans?

Mynd 2 sýnir að töluverður meirihluti svarenda hefur sótt fundi sem skólinn hefur staðið fyrir en þar getur verið um að ræða foreldrafundi eða ýmis konar kynningarfundir. 45 svarendur höfðu sótt slíkan fund eða 76%. Í opinni spurningu sem fylgdi í kjölfarið má sjá að flestir nefna kynningarfund í byrjun annar og sumir nefndu sérstaklega að hann hefði verið í gegnum Teams en vegna COVID var það raunin í upphafi haustannar 2020. Einnig var spurt

hvers vegna þeir sem höfðu ekki sótt fundi gerðu það. Þær ástæður sem svarendur nefndu voru fjarlægð, tímasetning, COVID og gleymaska.



Mynd 2. Hefur þú komið á fundi sem skólinn hefur staðið fyrir s.s. foreldrafundi eða kynningarfundum?

Foreldraráð


Á Mynd 3 má sömuleiðis sjá að stór hluti svarenda veit að foreldraráð er starfandi innan skólans eða 46 svarendur sem gera 79%.



Mynd 3. Vissir þú að foreldraráð er starfandi innan skólans?

Upplýsingaflæði

Þrjár spurningar í könnuninni sneru að upplýsingaflæði frá skólanum og hversu upplýstir forsjáraðilar eru um ýmsa þætti í skólastarfinu. Eins og sjá má á Mynd 4 telja 90% svarenda að upplýsingaflæði frá skólanum sé mjög gott eða gott og engir telja að það sé slæmt eða mjög slæmt.



Mynd 4. Hvernig finnst þér upplýsingaflæði frá skólanum?

Þegar skoðað er hvar svarendum finnst best að nálgast upplýsingar um skólastarfið má sjá á *Mynd 5* að tölvupóstur og heimasíða eru bestu leiðirnar. 47% svarenda nefna tölvupóst og 41% heimasíðu. Aðeins nefna 5 svarendur, eða 9%, að Facebook sé best til að nálgast upplýsingar um skólastarfið.



Mynd 5. Hvernig finnst þér best að nálgast upplýsingar um skólastarfið?

Þegar skoðað er hversu upplýstir svarendur eru um lykiltríði í skólastarfinu, s.s. stefnu, aðalnámskrá og skólanámskrá má sjá á *Mynd 6* að helmingur svarenda telur sig vera mjög vel eða vel upplýsta um þessa þætti en aðeins 7% telja sig vera mjög illa eða illa upplýsta. Þó nokkur fjöldi er á báðum áttum varðandi þættina eða 43%.




Mynd 6. Hversu upplýst(an) telur þú þig vera um stefnu skólans, aðalnámskrá og skólanámskrá?

Samskipti við kennara

Tvær spurningar sneru að samskiptum forsjáraðila við kennara nemandans. Sú fyrri sneri að samskiptum við umsjónarkennara og sjá má á *Mynd 7* að 30% hafa verið í samskiptum við umsjónarkennara oft en einu sinni, 26% einu sinni en 44% hafa aldrei verið í samskiptum við umsjónarkennara.

● Aldrei	25
● Einu sinni	15
● Oftar en einu sinni	17



Mynd 7. Hefur þú verið í samskiptum við umsjónarkennara nemandans sem þú ert forsjáraðili fyrir?

Svipaða sögu má segja af samskiptum við einhvern af kennurum nemandans. Á Mynd 8 má sjá að 52% hafa aldrei verið í samskiptum við einhvern af kennurum nemandans og 48% einu sinni eða oft.

● Aldrei	30
● Einu sinni	14
● Oftar en einu sinni	14



Mynd 8. Hefur þú verið í samskiptum við einhvern af kennurum nemandans?

Heimanám og umsagnir

Á Mynd 9 má sjá að meirihluti svarenda, eða 70% fylgist með heimanámi nemandans á kennsluvef skólans en 30% gera það ekki.

● Já	38
● Nei	16
● Nemandi eldri en 18 ára	3



Mynd 9. Fylgist þú með heimanámi nemandans á kennsluvef skólans?

Nýlega breytti skólinn til og í staðinn fyrir miðannarmat svokallað voru settar inn þrjár vörður á hvorri önn sem nefnast ljósker, viti og varða. Á þessum vörðum fá nemendur umsagnir um

stöðu sína í hverjum áfanga. Á *Mynd 10* má sjá að mikill meirihluti svarenda skoðaði þessar umsagnir eða 81%. Í opinni spurningu sem fylgdi á eftir má sjá að þeir forsjáraðilar sem skoðaðu umsagnirnar eru afar ánægðir með þær. Þær gefi góða vísbendingu um hvernig nemandanum líður og séu nauðsynlegar til þess að fylgjast með framvindunni í náminu.



Mynd 10. Skoðaðir þú umsagnir frá kennum um nám nemandans, svokallaðar vörður sem gerðar eru reglulega yfir önnina og birtast á INNU?

Líðan og gengi í náminu

Á *Mynd 11* má sjá að meirihluti svarenda, eða 59%, segir að nemandinn segi sér frá gengi í námi og starfi í skólanum en aðeins tæp 4% segja að nemandinn geri það ekki.



Mynd 11. Segir nemandinn þér frá gengi sínu í námi og starfi í skólanum?

Þegar kemur að líðan nemandans má sjá á *Mynd 12* að mikill meirihluti svarenda telur að nemandanum líði mjög vel eða vel í skólanum, eða 77%. Enginn telur að nemandanum líði mjög illa eða illa.



Mynd 12. Hvernig telur þú að nemandanum líði í skólanum?

Nýting þjónustu

Á Mynd 13 má sjá að minnihluti svarenda telur að nemandinn nýti þá þjónustu sem hann á kost á, s.s. náms- og starfsráðgjöf eða viðtalstíma. Aðeins 37% er á þeirri skoðun á meðan 46% telja nemandann ekki vera að nýta hana.



Mynd 13. Telur þú að nemandinn nýti þá þjónustu sem hann á kost á, s.s. náms- og starfsráðgjöf, viðtalstíma og fleira?

Verkmenntaskóli Austurlands stendur sig vel í að mennta nemendur

Síðasta valkosta spurningin í könnuninni var í formi fullyrðingar í ætt við þær sem nýttar eru í gæðamarkmið skólans. Þar voru 91% svarenda sammála eða mjög sammála því að VA standi sig vel í að mennta nemendur.



Mynd 14. Verkmenntaskóli Austurlands stendur sig vel í að mennta nemendur.

Annað

Í lok könnunar var opin spurning þar sem svarendur voru hvattir til að koma einhverju fleiru á framfæri. Þar komu 25 svör sem flest voru á þá leið að skólanum var hrósað fyrir hvernig nám og kennsla var skipulögð í COVID og hversu vel var haldið utan um nemendur. Það hafi gert heilmargt fyrir líðan nemandans. Þetta svar hér rammur þetta inn: “Flottur skóli sem er búin að standa sig vel í þessu leiðindar Covid ástandi. Frábært að kennt sé samkvæmt stundatöflu í fjarnáminu.”